

Շոգովուրդ

88
(2938)

28 հունիսի ուրբաթ 2024
տպագրության ԺԳ տարի

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՄԲՑՈՒՅԹԸ ԴԱՐՉՐԻՆ ԸՆՃՈՅՄՆԱԼՈՒ ՄԻՋՈՑ



Հունիսի 1-ին «Երեւանի Փրոցեքս»-ը «Սիզնս» այգում մրցույթ-միջոցառում էր կազմակերպել, որի ընթացքում 1 ժամում 6000 մարդ մեկ բաժակ կաթ պետք է խմեր՝ «Գինեսի» ռեկորդի գրանցման համար:

Միջոցառման ղեկավար բլոգեր, երգիչ Կարո Այրումյանն էր, որն այդ օրը նաև համերգային ծրագրով հանդես եկավ: Կարելի է ասել՝ միջոցառմանը հավաքված մարդիկ ոչ թե կաթ խմելու, կամ «Երեւանի Փրոցեքս»-ի համար էին այդ օրը հավաքվել, այլ հենց սիրված բլոգերի համագին մասնակցելու: համեմայնդեպս, մեր հարցումները դա ցույց տվեցին:

Բայց, արի ու տես, «Երեւանի Փրոցեքս»-ը սիրված բլոգերի անվան հաշվին մրցույթ է կազմակերպում, մեծ թվով մարդիկ հավաքում, իսկ հետո հարթանակը նվիրում է Էկոնոմիկայի նախարարությանը:

Ինչպես ավելի ուշ հայտնի դարձավ՝ «Երեւանի Փրոցեքս»-ի գլխավոր տնօրեն Դավիթ Երեւանյանը հունիսի 24-ին հանդիպել էր Էկոնոմիկայի նախարար Գեորգ Դապոյանին եւ կրակ նվիրել 1 ժամում ամենաշատ բաժակներով կաթի մատուցման համար սահմանած՝ «Գինեսի» համաշխարհային ռեկորդը հավաստող վկայականը:

Այսինքն՝ «Երեւանի Փրոցեքս»-ը ոչ թե իր, այլ Կարո Այրումյանի հեղինակության հաշվին ձեռք բերած մրցանակը նվիրեց իշխանություններին, հավանաբար, քաղաքականացրեց այդ «անմեղ» ակցիան, որպեսզի արտոնություններ ստանա: Թե որքանով է արդար, թերեւս հանրությունը կդատի:

«Ժողովուրդ» օրաթերթը այս առիթով պարզաբանում խնդրեց նաև «Երեւանի Փրոցեքս»-ի PR ղեկավար Անահիտ Գեորգյանից, թե ինչու է որոշվել վկայականը նվիրել Էկոնոմիկայի նախարարությանը:

Վերջինս էլ կտեղ. «Ռեկորդը երկրին է, նվիրել ենք Հայաստանին՝ ի դեմս Էկոնոմիկայի նախարարությանը: Նախորդ միջոցառման ժամանակ էլ ռեկորդը նվիրել էինք Երեւանին՝ ի դեմս քաղաքապետարանի: Այսինքն՝ ճիշտ չի լինի, որ ռեկորդը մեզ մոտ պահենք, դրա համար նվիրում ենք երկրին»:

Իսկ ինչու չեն նվիրել Կարո Այրումյանին, որի համար հավաքվել էին երեխաները՝ կաթ խմելու:

ՀՀ բարձր տեխնոլոգիական արդյունաբերության նախարարի տեղակալ Ավետ Պողոսյանը պաշտոնի նշանակվել է 2022 թվականի հունիսի 20-ին: Մինչև փոխնախարար դառնալը՝ Պողոսյանը 2019 թվականի մարտից մինչև դեկտեմբեր եղել է ՀՀ անվտանգության խորհրդի քարտուղարի խորհրդակցանք, ապա 2019-2022 թվականներին՝ Երեւան քաղաքի Կենտրոն վարչական շրջանի ղեկավարը: Պողոսյանը վարչական շրջանի ղեկավարի պաշտոնից ազատվեց այն բանից հետո, երբ վերահսկողության վարչությունը սկսեց ստուգումներ իրականացնել Կենտրոնի թաղապետարանում: Քաղաքապետարանից դեռ այն ժամանակ այս թեմայով «Ժողովուրդ» օրաթերթին փոխանցել էին, որ սա պարզապես ստուգում է, այնինչ այն վատ ավարտ ունեցավ Ավետ Պողոսյանի համար: Վատ ավարտ, սակայն նոր է ավելի յուրալի պաշտոնի սկիզբ: Այսպիսով՝ ուսումնասիրենք այժմ ԲՏԱ փոխնախարար Ավետ Պողոսյանի ունեցվածքը: 2023 թվականի անշարժ գույքի, եկամուտների, շահերի եւ ծախսերի հայտարարագրի համաձայն՝ Պողոսյանը չի հայտարարագրել որեւէ անշարժ գույք, սակայն տրանսպորտային միջոցների հարցում շռայլ է գտնվել: Պողոսյանը 2023 թվականի տարեկան անուշխմել է մեկ՝ 1980 թվականի արտադրության VAZ մակնիշի ավտոմեքենա, տվյալ տարվա ընթացքում ձեռք է բերել 2 ավտոմեքենա 2 մլն դրամ արժուրդով, 2005 թվականի արտադրության, PORSCHE մակնիշի մեքենա եւ 18 հազար ԱՄՆ դոլար արժուրդով 2019 թվականի արտադրության KIA մակնիշի մեքենա, որը ներկրված է եղել ԱՄՆ-ից: Տվյալ տարվա ընթացքում փոխնախարարը 2 մլն դրամով վաճառել է PORSCHE մակնիշի մեքենան, արդյունքում տարեկանում ունեցել է 2 մեքենա՝ KIA եւ VAZ մակնիշների:



Շարունակությունը՝ ArmLur.am կայքում:

Ն իկոլ Փաշինյանը որոշել է «հանրության մեջ դուրս գալ»։ «Ժողովուրդ» օրաթերթի աղբյուրները փոխանցում են, որ Փաշինյանը որոշել է ամեն շաբաթ-կիրակի մարզեր գնալ։ Ըստ կառավարության մոտ կանգնած մեր աղբյուրի՝ շատ ոգետրված է հետ եկել Սյունիքի մարզից, որտեղ մարզպետ Ռոբերտ Ղուկասյանը ջանք ու եռանդ չէր խնայել կազմակերպելու այնպիսի հանդիպումներ, որոնցում Փաշինյանն իրեն կոմֆորտ կգտա, ու ահա դա է պատճառը, որ հայրենի իշխանության տարբեր ներկայացուցիչներ, մարզպետներ ու համայնքապետներ ամեն բան անում են՝ մարզում բնակիչների հետ անթերի հանդիպումներ կազմակերպելու համար, որտեղ բոլորը ջերմ խոսքեր կասեն Փաշինյանին, կհամբուրեն ու կասեն, որ ինքը պետք է մա իշխանության ղեկին: Փաշինյանի՝ մարզեր գնալու բուն նպատակը նաև ընդդիմությանը ցույց տալն է, թե ժողովուրդը իր կողքին է, ու ինքը մինչև 2026 թվականը վարչապետի աթոռին է մնալու: ՀՀ վարչապետի տրամադրությունը, ըստ մեր աղբյուրների, բարձր է, քանի որ իրեն զեկուցած տեղեկությունների համաձայն՝ իշխանության փոփոխություն այս պահին իրագործելի չէ: Ի դեպ, դեռ հստակ չէ, թե որ մարզ կգնա Փաշինյանը, քանի որ նա իր այցերը գաղտնի է պահում ու վերջին պահին է հայտարարում, որ պատրաստվեն, ու մեկնեն մարզ:



Ի շխանությունները արցախից բռնի տեղահանված արցախցիներին շահագրգռում, համոզում են քաղաքական ակտիվություն չցուցաբերել, որեւէ դեպքում չմասնակցել «Տավուշը հանուն հայրենիքի» շարժման կազմակերպած հանրահավաքներին ու ակցիաներին: «Ժողովուրդ» օրաթերթը գրել էր, որ վերջին շրջանում ԶԳ-ականները տարբեր վարչական շրջաններում ու մարզերում փակ հանդիպումներ են ունենում Արցախից բռնի տեղահանվածների հետ ու իբրև սոցիալական ծրագրերի ամենաբարձր հարցեր քննարկում: Մեր աղբյուրների փոխանցմամբ՝ բացի սոցիալական հարցերից, իշխանականները ձեռքի հետ էլ արցախցիներին հասկացնում են, որ եթե ուզում են օգտվել սոցիալական այդ ծրագրերից, ապա պետք է քաղաքական չեզոքություն դրսևորեն, չքննադատեն ԶԳ-ին ու չխառնվեն քաղաքական գործընթացներին, մասնավորապես «Տավուշը հանուն հայրենիքի» շարժման հրավիրած հանրահավաքների մասին է խոսքը, որին, ինչպես գիտենք, նաև մեծ թվով արցախցիներ են մասնակցում:



ԶՐՈՒՅՑ

«ՇԱՐԺՄԱՆ ԹԻԿՈՒՆՔՈՒՄ ԺՈՂՈՎՈՒՐԴՆ Է»

ArmLur.am-ի խոսքերում հյուրընկալվել է «Ազգային ժողովրդավարական բեռն» շարժման անդամ Ժիրայր Մեֆիլյանը:



Ժիրայր Մեֆիլյանի հետ ընկերակցվել ենք «Տավուշը հանուն հայրենիքի» նախաձեռնության մասին, ինչպես նաև անդրադարձել ենք շարժման բացերից, հաջորդիվ սպասվող իրադարձություններին:

-Պարոն Մեֆիլյան, իշխանությանը, կարծես թե, հաջողվեց հասնել նրան, որ փողոցային պայքար այսօր չկա, քաղաքացիները այլևս փողոցային ակցիաներ չեն իրականացնում, ո՞րն էր պատճառը, որ իշխանությունը կարողացավ հասնել սրան:

-Շարժումները ունենում են ելևէջներ, եւ քանի որ հունիսի 12-ը կարելի էր օրը, պետք էր բացառել նման փոփոխություն այդ օրվանից հետո: Իմ տպավորությամբ, քանի որ Բագրատ սրբազանը որդեգրում է անցնում եւ առաւելեւ՝ անարյուն տարբերակը փոփոխությունների, այդ հանգամանքը գործող թուրքախոսական իշխանությունները օգտագործում են, եւ պատրաստ են ամեն տեսակի վայրագությունների դիմելու: Բայց սա չի նշանակում, որ շարժումը կանգ է առել, կամ որտեղ օր ժողովուրդը նորից հրապարակը չի լցնի. ուստի կարող ենք ասել՝ մարտավարական շարժեր են տեղի ունենում գետնի վրա, եւ ես մեծ հաշվով լավատեսորեն եմ տրամադրված: Բագրատ սրբազանի անձի հայտնվելը օգտակար էրեւոյթ էր այն իմաստով, որ երկար տարիներ մեր քաղաքական դաշտում նման համախմբում տեղի չէր ունեցել՝ հայտնի պատճառներով, կուսակցություն կոչեցյալները այդպես էլ երկխոսության մշակույթը չէին ունեցել, առաջնային խնդիր, առաջնային գաղափարի օրակարգի մշակույթը չէր ձեւավորվել, ու այդ պատճառով համախմբումների էլ ականատես չէինք լինում, սակայն Բագրատ սրբազանի հայտնվելով՝ այդ հնարավորությունն առկա է այժմ, դա երեւաց այս 40 օրվա մեջ: Հուսով ենք՝ առաջիկա օրերին կկատարվեն որոշ ուղղումներ ու շարժումն ավելի հաստատական առաջ կգնա:

րատ սրբազանի հայտնվելով՝ այդ հնարավորությունն առկա է այժմ, դա երեւաց այս 40 օրվա մեջ: Հուսով ենք՝ առաջիկա օրերին կկատարվեն որոշ ուղղումներ ու շարժումն ավելի հաստատական առաջ կգնա:

-Ինչ ուղղումների մասին է խոսքը, պարոն Մեֆիլյան:

-Խոսքը վերաբերում է շարժման առաջնորդի առաջ քաշած գաղափարներին, նպատակներին, արտաքին եւ ներքին թիրախավորումներին: Բնականաբար, տարբեր ժամանակներում խոսույթի տարբեր առաջնահերթություններ կարող են դրվել, եւ շատ կարելի է, որ նաեւ ներքին համախմբման ուղղությամբ աշխատանքներ տարվեն: Ինչպես սրբազանն ինքն է ասում՝ շարժումը ավելի ամրացնելու կարիք կա, տարբեր ուժեր պետք է հասկանան, որ բառի բուն իմաստով որտեղ հավակնություններ չպետք է ունենան: Ինչպես սրբազանն է ասել՝

չակնկալիքների շարժում է սա: Մեզ մտում է համախմբվել, Փաշինյանին հենարաններ, եւ դրանից հետո քաղաքական բանավեճերի միջոցով գնալ առաջ. բայց քանի Փաշինյանը վարչապետ է, անիմաստ է այլ քայլերի մասին խոսելը:

Շատ կարելի է, որ այս ընթացքում շարժման ղեկավարությունը կարողանա իր խոսույթով մեր ժողովրդի այն շերտի կասկածները փարատել, որոնք տակալին կասկածով են մոտենում այս ամենին, տարբեր ուժերի ականջներ են տեսնում շարժման մեջ. այս ժամանակը պետք է օգտագործվի նաեւ փարատելու այդ կասկածները: Լինելով այս ամենի մեջ՝ ես իմ հերթին կարող եմ մեր ժողովրդին վստահեցնել, որ «Տավուշը հանուն հայրենիքի» շարժման թիկունքում միայն ժողովուրդն է կանգնած, եւ որտեղ արտաքին կամ ներքին ուժեր չկան, որ ղեկավարում են այս այն:

Ջրուցեց ԱՆՆԱ ՍՐԱՊԻՈՆՅԱՆԸ

ԼՈՒՐԵՐ

ԽԱՂԱՊՈՒԹՅԱՆ ՊԱՅՄԱՆԱԳՐԻ ԱՎԱՐՏՈՒՆ ՏԵՍՔԸ

Հայաստանը պատրաստ է 1 ամսում ավարտուն տեսքի բերել խաղաղության պայմանագրի տեքստը եւ ստորագրել այն: Այս մասին երեկ՝ հունիսի 27-ին, Տալլինում հայտարարել է Հայաստանի արտգործնախարար Արարատ Միրզոյանը Եւրոխորհրդի ԱԳ նախարար Մարգուս Յակոբյանի հետ համատեղ ասուլիսում:

«Հայաստանն ու Ադրբեջանը բանակցում են: Մենք գրեթե վերջնական տեսքի ենք բերել խաղաղության պայմանագրի նախագծի տեքստը: Հայաստանը պատրաստ է մեկ ամսում ամբողջովին ավարտուն տեսքի բերել խաղաղության պայմանագրի տեքստը եւ պայմանագիրը ստորագրել:

Չեմ կարող ասել, որ մեր ադրբեջանցի գործընկերներից դրական արձագանք ենք տեսել այս առաջարկին՝ խաղաղության պայմանագիրը մեկ ամսում ստորագրելուն...

Ես հավատում եմ, որ մենք կատարելու ենք այն՝ փակելով Հարավային Կովկասում հակամարտության էջն ու խաղաղություն ենք բերելու տարածաշրջանում, եւ հավատում եմ, որ այս խաղաղությունը շահավետ է լինելու տարածաշրջանի երկր-

ների ու դրանց քաղաքացիների համար», - ասաց Միրզոյանը:

ԱՄԵՆԱԿԱՅՏՆԻ ՀՀ ՔԱՂԱՔԱՅԻՆ Է

«Ես ամաչում եմ, որ մի երկրի քաղաքացի եմ, որի քաղաքացիները Բաքվի բանտերում են»:

Այս մասին ֆեյսբուքյան իր էջում գրել է «Ապրելու երկիր» կուսակցության հիմնադիր Մանե Թանդիլյանը:

«2021թ. հունիսյան մի երեկո Ռուբեն Վարդանյանի հետ հանդիպման էինք: Հանդիպման ժամանակ տեղեկացրեցին, որ Ռուբենին շնորհվել է Հայաստանի Հանրապետության քաղաքացիություն: Բառերով հնարավոր չէ նկարագրել նրա հպարտությունը. Ես Հայաստանի Հանրապետության քաղաքացի եմ:

Օրեր անց, անձնագիրը ձեռքին Ռուբենը ուղերձով դիմեց հայ ժողովրդին՝ որպես Հայաստանի Հանրապետության քաղաքացի: Ռուբեն Վարդանյանը թերեւս մեր ժամանակների աշխարհում Հայաստանի Հանրապետության ամենախայտնի քաղաքացին է:

Ես հպարտ եմ, որ մի երկրի քաղաքացի եմ, որի քաղաքացի է նաեւ Ռուբեն Վարդանյանը:

Բայց ես ամաչում եմ, որ մի երկրի քաղաքացի եմ, որի քաղաքացիները Բաքվի բանտերում են», - գրել է նա:

«ՀԱՅԱՔՎԵ»-Ն ՀԱՂՈՐԴՈՒՄ ԿՆԵՐԿԱՅԱՑՆԻ

«Հայաքվե» նախաձեռնության անդամները հաղորդում կներկայացնեն ՀՀ գլխավոր դատախազություն՝ հունիսի 12-ին Բաղրամյան եւ Ղեմիծյան փողոցների խաչմերուկում բողոքի ակցիայի ընթացքում ոստիկանական գործողությունների վերաբերյալ:

«Հաղորդում ենք ներկայացնելու հունիսի 12-ին ԱԺ շենքի մոտ տեղի ունեցած ակցիայի ընթացքում ոստիկանների բռնությունների վերաբերյալ, որոնք պարունակում են քրեական օրենսգրքով պատժելի արարքներ: Այս ամսով հաղորդում ենք ներկայացնելու Դատախազություն», - «Ժողովուրդ» օրաթերթի հետ զրույցում ասաց նախաձեռնության անդամ Մենուա Սողոմոնյանը:

Հիշեցնենք, որ հունիսի 12-ին ԱԺ-ի շենքի մոտ բախումներ սկսվեցին ոստիկանների եւ «Տավուշը հանուն հայրենիքի» շարժման անդամների ու կողմակիցների միջեւ: Ոստիկանությունը լուսաձայնային նռնակներ կիրառեց, ինչի հետեւանքով 101 անձ վնասվածք ստացավ, այդ թվում ոստիկաններ:

ՔՐԻՍՏԻՆԱ ՍՈՒՆԵՂՅԱՆ



ՄԻՔԱՅԵԼ ՍՐԲԱԶԱՆԸ՝ ՊԵՏԳԵՊԻ ԶԵԿՈՒՅՑԻ ՄԱՍԻՆ

«Կոլումբոսից առաջ էլ էինք մենք քաղաքական դիսկուրսներով զբաղված». «Ժողովուրդ» օրաթերթի հետ զրույցում հայտարարել է Շիրակի թեմի առաջնորդ Միքայել արքեպիսկոպոս Աջապահյանը՝ անդրադառնալով ԱՄՆ Պետդեպարտամենտի հրապարակած զեկույցին:

Ավելի վաղ ԱՄՆ Պետդեպարտամենտը հրապարակել էր աշխարհի շուրջ 200 երկրներում, ներառյալ՝ Հայաստանում կրոնական ազատությունների մասին տարեկան զեկույցը: Զեկույցում Հայաստանի վերաբերյալ բաժնում նշվում է եկեղեցի-կառավարություն հարաբերությունների լարվածության, կրոնական փոքրամասնությունների հետ կապված խնդիրների եւ այլ հարցերի մասին, գրում է «Ամերիկայի ծայն»-ը:

Ըստ զեկույցի՝ Հայաստանի Սահմանադրությունն արգելում է կրոնի վրա հիմնված խտրականությունը եւ սահմանում է կրոնական կազմակերպությունների եւ պետության տարանջատում:

«Այն ճանաչում է Հայ Առաքելական Եկեղեցու՝ որպես ազգային եկեղեցու բացառիկ առաքելությունը Հայաստանի ժողովրդի հոգեւոր կյանքում, ազգային մշակույթի զարգացման եւ ազգային ինքնության պահպանման գործում: Կառավարության եւ Հայ Առաքելական Եկեղեցու ներկայացուցիչները, այդ թվում՝ Հայ Առաքելական Եկեղեցու առաջնորդ, կաթողիկոս Գարեգին Բ-ն եւ վարչապետ Նիկոլ Փաշինյանը հրապարակային ընկալաբար հայտարարություններ են արել միմյանց հասցին՝ կապված Լեռնային Ղարաբաղի հակամարտության հարցում կառավարության գործունեության եւ քաղաքականության մեջ Հայ Առաքելական Եկեղեցու ներգրավվածության հետ», - ասվում է զեկույցում:

Ըստ զեկույցի՝ 2023 թ. ընթացքում Հայ Առաքելական Եկեղեցու հոգեւորականները շարունակել են առանց սահմանափակումների մասնակցել քաղաքացիական դիսկուրսին, իսկ Գարեգին Բ կաթողիկոսը՝ կոչեր հնչեցնել վարչապետ Փաշինյանի հրաժարականի մասին:

«Սեպտեմբերի 19-20-ը՝ Լեռնային Ղարաբաղում Ադրբեջանի ռազմական գործողություններից եւ Լեռնային Ղարաբաղից գրեթե բոլոր թնիկ հայերի հեռացումից հետո, Հայ Առաքելական Եկեղեցու եպիսկոպոսաց հավաքը հոկտեմբերի 3-ին հայտարարություն է տարածել՝ ընկալաբար Հայաստանի կառավարության վերաբերմունքը ստեղծված իրավիճակի հանդեպ», - նշված է Պետդեպի զեկույցում: Այն շեշտում է՝ չնայած Հայ Առաքելական Եկեղեցու առարկություններին՝ 2023 թ. ուսումնական տարվա ընթացքում իշխանությունները սկսեցին աստիճանաբար հանել «Հայ Առաքելական Եկեղեցու պատմություն» դասընթացը պարտադիր դպրոցական ծրագրից՝ փոխարենն այն ներառելով համապատասխան պատմական բովանդակություն ունեցող հայագիտական ավելի լայն ուսումնական ծրագրում:

ՀԱՅՏԱՐԱՐԱԳԻՐ

ԻՆՉ ՈՒՆԵՑՎԱԾՔ ՈՒՆԻ Թ. ԹՈՎՄԱՍՅԱՆԸ

ԽՈՄԵԱԿԻ ԱԶԱՏՄԱՆ «ՄԵՂԱՎՈՐՆԵՐԸ»



Հունիսի 21-ին ՀՀ ԱԺ նախագահի խոսնակ Նելլի Ղուլյանը գրել էր. «Պաշտպանվելու և ազատության համար...»

«Ժողովուրդ» օրաթերթը տեղեկացավ, որ Նելլի Ղուլյանի աշխատանքից հեռանալն այլ խոր արժանատի ունի, եւ պատճառը ոչ այլ ինչ է, քան ԱԺ ներքին ճնշումները:

«Ժողովուրդ» օրաթերթի տեղեկություններով Նելլի Ղուլյանը մամուլի այն խոսնակներից է եղել, ով մտերիմ է եղել ԱԺ նախագահ Ալեն Սիմոնյանի հետ այնքան, որ Ալեն Սիմոնյանն անգամ Ղուլյանի անձնական հեռախոսազանգերին է պատասխանել:

Քիչ առաջ հայտնի դարձավ, որ Ալեն Սիմոնյանի հրամանագրով Մովսես Հարությունյանը նշանակվել է ՀՀ ԱԺ նախագահի օգնական: Մովսես Հարությունյանը հայտնի դարձավ հեղափոխությունից հետո, երբ մասնակցում էր սատարող ստատուսներ էր գրում հեղափոխության մասին:

ԻՐԱՆՆ ԱՐՉԱԳԱՆՔԵԼ Է ՊԱՂԵՍՏԻՆԻ ՃԱՆԱԶՄԱՆԸ

Իրանի արտգործնախարարությունն արձագանքել է Հայաստանի կողմից Պաղեստինի ճանաչմանը:

Պատասխանելով ճանաչման վերաբերյալ հարցին՝ Իրանի ԱԳՆ խոսնակ Նասեր Քանանին նշել է. «Ողջունում ենք Պաղեստինի ժողովրդի օրինական իրավունքներին աջակցելու աշխարհի երկրների դիրքորոշումն ու գործողությունները»:

Անկուսակցական դասգամավոր Թագուհի Թովմասյանը 8-րդ գումարման Ազգային ժողով եկել է 2021 թվականի հունիսի 20-ին «Պաշտպանվելու և ազատության համար» կուսակցությունների դաշինքի համադեմոստրացիայի ցույցերում:

Մինչև քաղաքական կարիերան Թագուհի Թովմասյանն ակտիվ զբաղվել է լրագրությամբ. սկզբում կամավորական հիմունքներով աշխատել է «Իրավունք» թերթում, ապա դարձել հիմնական աշխատակից, ապա «Զորորդ իշխանություն» թերթի լրագրող է եղել, այնուհետև՝ 2011 թվականից, ստեղծել է իր լրատվամիջոցը՝ «Ժողովուրդ թերթի խմբագրություն ՍՊԸ» լրատվական հոլդինգը: ԱԺ պատգամավորը քաղաքականությամբ սկսել է զբաղվել 2019 թվականից: Ծանոթանալով նրա կողմից ներկայացված տարեկան հայտարարագրին՝ տեղեկացանք, որ, որպես անշարժ գույք, Թագուհի Թովմասյանը հայտարարագրել է 4 գույք՝ 3 բնակարան Երեւանի բազմաբնակարան շենքերում եւ 1 հողամաս Գեղարքունիքի մարզի Վարդենիս քաղաքում, որը ժառանգություն է: Բնակարանները ձեռք են բերվել 2012, 2014 եւ 2019 թվականներին: Պատգամավորը տրանսպորտային որեւէ միջոց չունի: Բանկային հաշիվների մագորդները կազմել են 194 հազար դրամ, կանխիկ դրամական միջոցները՝ 3 մլն 300 հազար դրամ եւ 2,5 հազար եվրո: ԱԺ պատգամավոր Թագուհի Թովմասյանի հաշվետու տարվա եկամուտները կազմել են 14 մլն 960 հազար դրամ,



որից 10 մլն 530 հազար դրամն աշխատանքի վարձատրություն է ՀՀ Ազգային ժողովի աշխատակազմից, իսկ 4 մլն 430 հազար դրամը վճար է «Ժողովուրդ թերթի խմբագրություն» ՍՊԸ-ից: Ստացված վարկերի եւ փոխառությունների մայր գումարի մագորդը հաշվետու տարվա դեկտեմբերի 31-ի դրությամբ կազմել է 40 մլն դրամ, որը բնակարանի հիփոթեքի մայր գումարի մագորդն է: Նկատենք, որ նախորդ

տարվա համեմատ Թովմասյանի կանխիկ դրամական միջոցները նվազել են՝ 5 մլն 300 հազար դրամից դառնալով 3 մլն 300 հազար դրամ: Հիշեցնենք, որ Թագուհի Թովմասյանն այն պատգամավորն է, ում իշխող խմբակցությունը ապօրինի զրկեց ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահի պաշտոնից: ԷՄՄՍ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ Հ. ՆԱԶԻԵՎԻ ԳԺԳՈՐ ՄԵԿԵԱԲԱՆՈՒԹՅՈՒՆԸ

Ադրբեջանի նախագահի օգնական Հիքմետ Չաջիեյը մեկնաբանել է ՀՀ ԱԺ քարտուղար Արմեն Գրիգորյանի՝ Ռուսաստանն է հանձնել Լեռնային Ղարաբաղն Ադրբեջանին, հայտարարությունը: «Հայաստանի Անվտանգության խորհրդի քարտուղարի հայտարարությունները այդ երկրի նախորդ եւ ներկա ռազմաքաղաքական դեկլարության մեղքը քողարկելու, այն ուրիշների վրա բարդելու եւ ինքնաարդարացման նպատակ ունեն: Ցավով պետք է արձանագրենք, որ նման հայտարարությունները Հայաստանի ռազմաքաղաքական դեկլարության մտածելակերպում ռեանալիզատական պատրանքների պահպանման արտացոլում են, որից խորհուրդ ենք տալիս հրաժարվել», - ասել է Չաջիեյը:

«ՓԱՐԻԶԸ ԶԳՏՈՒՄ Է ՕԳՏԱԳՈՐԾԵԼ ԵՐԵՎԱՆԸ» ԶԱՆԱՐՈՎԱ

Փարիզն առաջնորդվում է ոչ թե Հայաստանի եւ նրա ժողովրդի շահերով, այլ ձգտում է Երեւանն օգտագործել որպես գործիք՝ սեփական պատեհապաշտ նպատակներին հասնելու համար: Այդ մասին հայտարարել է ՌԴ ԱԳՆ ներկայացուցիչ Մարիա Զախարովան Պետերբուրգյան միջազգային իրավական ֆորումում լրագրողների համար ամենաշարքայա ճեպագրույցի ժամանակ՝ մեկնաբանելով Հայաստանի կողմից ֆրանսիական CAE-



SAR ինքնազանց հրետանային կայանքների գնման պայմանագիրը: «Դա մի կողմից Փարիզի քաղաքականության մի մասն է՝ լինել ամենուր եւ միեւնոյն ժամանակ պատասխանատվություն չկրել: Մյուս կողմից՝ եթե խոսենք Կովկասյան տարածաշրջանի մասին, ապա հասկանում ենք, որ կա խաղաղության ծրագիր, ճանապարհային քարտեզ՝ այնտեղ իրավիճակի կարգավորման, տնտեսական հումանիտար ծրագրի հնարավորության բացման, փոխադարձ համագործակցության նպատակով լոգիստիկա կառուցելու համար: Այդ ամենն ամրագրված է Երեւանի, Բաքվի եւ Մոսկվայի միջեւ ձեռք բերված համաձայնագրերում: Մոսկվան հանդես է գալիս ազնիվ, բաց միջնորդի դերում, ինչն էլ կատարի խանդ է առաջացնում Արեւմուտքում, որն այդ տա-

րածքը համարում է իր շահերի գոտին եւ, չհասնելով որեւէ արդյունքի, հերթական քառուն է նախապատրաստում, հնարավոր է, որ դա դիտարկի որպես հատուցում խաղաղասիրական ջանքերին, որոնք գործադրել է Ռուսաստանը, որոնք արդյունք են տվել եւ ուրվագծել բազմամյա փակուղուց դուրս գալու ուղին», - ասել է Զախարովան: Ըստ ՌԴ ԱԳՆ ներկայացուցչի՝ նրանք, ովքեր նման առաջարկներ են բերում տարածաշրջան, ինչպես Փարիզը, վատ խորհրդատուներ են, նրանք գործը տանում են դեպի աղետ: «Մենք լսում ենք հակամարտությունների վերականգնման ներուժի հռետորաբանություն, եւ այդ ամենն ատում են ֆրանսիացի պաշտոնյաները», - նշել է Զախարովան:

ՆՈՐ ԲԱՅԱՐԱՅՏՈՒՄՆԵՐ

ԻՒՂ ԲԱՂԱՔԱՑՈՒ ԿՈՂՄԻՑ ԱՐՎԱԾ ԽԱՐԿԱԽՈՒԹՅՈՒՆՆԵՐ

Քացահայտվել են ԻՒՂ բաղաբացու կողմից խարդախության եղանակով բազմաթիվ անձանցից առանձնադեպ խոսքը չափերով՝ արբեր արժույթներով ընդհանուր 112.392.966 ՀՀ դրամ գումար հափճակելու նոր դրվագներ, որոնց վերաբերող քննարկման վարույթով նախաքննությունն ավարտվել է: Այդ մասին հայտնում են ՀՀ ՔԿ-ից:

«ՀՀ քննչական կոմիտեի Երեւան քաղաքի քննչական վարչության ծանր հանցագործությունների քննության բաժնում իրականացված քննչական և վարույթային մեծածավալ գործողությունների արդյունքում ձեռք բերված փաստական տվյալներով հիմնավորվել է, որ ԻՒՂ քաղաքացիներ, Կանադայի վիզա տրամադրելու պատրվակով անձանցից գումարներ հափճակելու համար Իրանի Իսլամական Հանրապետության իրավասու մարմինների կողմից գտնվելով հետախուզման մեջ, 2019 թվականի նոյեմբերի 16-ին ժամանել է Հայաստան: Նպատակադրվելով նույն եղանակով Հայաստանի Հանրապետությունում հափճակություն կատարել՝ մի քանի օր անց՝ նոյեմբերի 21-ին, անձանց մոտ վստահություն ստեղծելու և մոլորության մեջ գցելու նպատակով, միգրացիոն խորհրդատվություն և տուրիստական, ճանապարհորդական ծառայություններ մատուցելու պատրվակով հիմնադրել է «Ամերիկան Հոմ Էդուկեյշն Քոլեջ» սահմանափակ պատասխանատվությամբ ընկերությունը:



Սկզբնական շրջանում չկարողանալով հավաքագրել հաճախորդների՝ հիշյալ անձը 2021թ. գարնանը ընկերությունում աշխատանքի է ընդունել մի քաղաքացու, ում հանձնարարել է հիշյալ ընկերության մտացածին գործունեության վերաբերյալ «Ֆեյսբուք» և «Ինստագրամ» սոցիալական կայքերում վճարովի գովազդներ տեղադրել: Արդյունքում 2021թ. մայիսի 10-ից մինչև 2022թ. ապրիլի 1-ն ընկած ժամանակահատվածում հիշյալ գրասենյակ է այցելել ՀՀ քաղաքացի 70 անձ:

Ձեռք բերված բավարար փաստերի հիման վրա ԻՒՂ քաղաքացու մեղադրանք է ներկայացվել՝ ՀՀ քրեական օրենսգրքի 255-րդ հոդվածի 3-րդ մասի 3-րդ կետով: Նախաքննությունն ավարտվել է, քրեական վարույթի նյութերը, մեղադրական եզրակացությամբ, ուղարկվել են հսկող դատախազին՝ հաստատելու և դատարան ուղարկելու համար: Նույն անձի կողմից նույն սխեմայով կատարված խարդախությամբ 86 այլ քաղաքացիներից ընդհանուր շուրջ 157 մլն դրամի չափով հափճակություն կատարելու վերաբերյալ գործը, մեղադրական եզրակացությամբ, ավելի վաղ՝ 2022թ. դեկտեմբերին, ուղարկվել էր դատարան», - նշված է հարողորագրության մեջ:

ԼՈՒՐՆԵՐ

ԳԱՏԻ ԵՆ ՏՎԵԼ ՀՀ ԱՆ-ԻՆ

ՌԴ-ում ցմահ ազատազրկվածի հարազատները դատի են տվել արդարադատության նախարարությանը՝ պահանջելով, որ Ռուսաստանի Դաշնությունում պատիժը կրող դատապարտյալ Գեղամ Ամիրի Անայանին (ծնված՝ 08.02.1987թ.) փոխանցեն Հայաստանի Հանրապետությանը՝ պատժի մնացած մասը այստեղ կրելու նպատակով:

գարական ռուբլի դնել գործի մեջ: Ստանալով նրանց փողերը՝ Անայանը որոշել է սպանել ընտանիքին: Նախ հանցագործն անտառ է տարել և սպանել երիտասարդին, ապա երկու կանանց, որոնց նա սպանել է հրացանով:

ԾԱՆՈՒՑՈՒՄ

Երեւան քաղաքի դատարանը ծանուցում է ուղարկել ՀՀ Գործառնության ներկայացուցիչ Հրանտ Մարգարյանին, ինչպես նաեւ Արցախի անվտանգության խորհրդի նախկին քարտուղար Վիտալի Բալասանյանին, որ հուլիս 10-ին ներկայանան կենտրոնի դատարան, հարգելի պատճառով չներկայանալու դեպքում՝ նրանց բերման կենթարկեն:

2023 թվականին «Ժողովուրդ» օրաթերթը գրել էր, որ ԱՄՇ է հրավիրվել և հարցաքննվել ՀՀ Գործառնության ներկայացուցիչ Հրանտ Մարգարյանը: Մեզ հասած լուրերի համաձայն՝ նրան ԱՄՇ էին հրավիրել ու հարցաքննել Արցախի պաշտպանության բանակի պահեստազորի գնդապետ, Արցախի Հանրապետության նախագահի աշխատակազմում անվտանգության վարչության պետի տեղակալ գնդապետ Նորայր Ալլախյանի դեմ հարուցված քրեական գործով:

ԿԱՇԱՌՔ

ՓՈՐՉԵԼ Է ՄԻՋՆՈՐԳ ԼԻՆԵԼ

«Ժողովուրդ» օրաթերթի տեղեկությունների համաձայն՝ Գագիկ Գառնիկի Ղուկասյանին մեղադրանք է առաջադրվել այն բանի համար, որ նա կատարել է կաշառքի միջնորդության պատրվակով դրամական միջոց ստանալու փորձ, ինչպես նաեւ կաշառք տալու փորձի դրոշմություն: Լուռու մարզի Փամբակ համայնքի Դեբեդ բնակավայրի բնակչուհի Մերի Ռուբինի Կարոյանը, աշխատանք չունենալու պատճառով, 2024 թվականի ապրիլ ամսվա սկզբին՝ քննությամբ չպարզված օրը, դիմել է իր ծանոթ՝ Լուռու մարզպետարանի նախկին աշխատակից Գարիկ Գառնիկի Ղուկասյանին՝ իրեն աշխատանքի տեղավորելու խնդրանքով: 2024 թվականի ապրիլի 20-ին Գարիկ Գառնիկի Ղուկասյանը նշված հարցի կապակցությամբ «WhatsApp» բջջային հավելվածի միջոցով Մերի Կարոյանի հետ ունեցած գրագրության ընթացքում վերջինիս տեղեկացրել է, որ իրեն «Վանաձորի բժշկական կենտրոն» փակ բաժնետիրական ընկերությունում որպես մատենավար աշխատանքի ընդունելու հարցի կապակցությամբ նշված բժշկական կենտրոնի իրավասու պաշտոնատար անձի հետ ձեռք է բերել պայմանավորվածություն, և նշված աշխատանքին ընդունելու նպատակով, նույն օրը, իբրեւ թե որպես կաշառքի միջնորդ, Մերի Կարոյանից պահանջել է 500 ԱՄՆ դոլարին համարժեք՝ 196.300 ՀՀ դրամ: Այսուհետեւ, 2024 թվականի ապրիլի 21-ին Գարիկ Ղուկասյանը Մերի Կարոյանից պահանջել է իրեն անմիջապես տրամադրել աշխատանքի ընդունվելու համար առանձին փաստաթղթեր, ինչպես նաեւ իր կողմից նախապես պահանջված կաշառքի գումարի մի մասը՝ 20.000 ՀՀ դրամ՝ գումարի մյուս մասը հաջորդ չորեքշաբթի օրն իրեն փոխանցելու պայմանով:

● Ըստ ոստիկանության տվյալների՝ հունիսի 26-ից 27-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 80 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳՊՐՈՑԻ ԵՆՔԸ ԶՈՐԱՆՈ՞Ց

Տավուշի մարզպետ Յայկ Ղալումյանին հարցրել ենք, թե ե՞րբ է շահագործման հանձնվելու Կիրանցի դպրոցի նոր շենքը: Մարզպետարանից պատասխանել են. «Կիրանցի միջնակարգ դպրոցի շենքի շինարարական աշխատանքները սկսված են եւ նախատեսվում է շահագործման հանձնել սեպտեմբերի 1-ին:» Կիրանցի դպրոցի նոր շենքը ադրբեջանցի ահմա-նապահներից մոտ 50 մետր հեռավորությամբ է գտնվելու: Այդ շենքի շինարարության համար պետբյուջեից ծախսվել է 615 միլիոն դրամ: Կիրանցի ծնողները դեմ են, որ իրենց երեխաները հաճախեն նոր ձեւավորված, սահմանի աղբյուր մոտ գտնվող դպրոց: Կիրանց գյուղից հայտնեցին, որ նորակառույց դպրոցի շենքը ծառայելու է որպես սահմանապահների գորակոչ: Իսկ թե ինչպես է լուծվելու դպրոցի շենքի հարցը, հայտնի չէ:

ԽԱՂԱԳՈՒԹՅԱՆ ԱՄԵՆԱԵՐԿԱՐ ԲՐԳՈՒՃՆ ԵՆ ՍԱՐՔԵԼՈՒ

Տավուշի մարզպետարանի ֆեյսբուքյան էջը հայտնում է, որ հունիսի 29 -ին Ենոքավանում տեղի կունենա ավանդական դարձած «ՅայԲույս» փառատուրը: Ենոքավանը Նիկոլ Փաշինյանի պապական գյուղն է: Մարզպետարանը հայտնում է, որ «ՅայԲույս» Փառատուրի նպատակն է ժողովրդականացնել հայկական բուսականությունը եւ դրա կիրառությունը կյանքի տարբեր ոլորտներում՝ կենցաղ, բժշկություն, մշակույթ, արվեստ, ճարտարապետություն եւ այլն: Միաժամանակ այն ձգտում է հատկապես Տավուշի գյուղական եւ սահմանամերձ համայնքներում կրթել մարդկանց եւ հզորացնել նրանց բնապահպանական գիտելիքները, ստեղծել հաղորդակցության եւ համագործակցության բարենպաստ պայմաններ՝ խթանելով տարածաշրջանի զարգացումը: Փառատուրի ընթացքում մասնակիցները պատրաստելու են խաղաղության ամենամեծ բրդուճը՝ լավաշից, հայկական բույսերից եւ պանրի տարբեր տեսակներից: Նիկոլ Փաշինյանը միակողմանի կերպով, ապօրինաբար Ադրբեջանին է հանձնել ռազմավարական նշանակություն ունեցող Յայաստան-Վրաստան ավտոճանապարհը վերահսկող սահմանային դիրքերը Կիրանցում, Ներքին Ոսկեպարում (Աշաղի Աքբիպարա), Բաղանիս-Ալյուումում, իսկ նրա պապական գյուղ Ենոքավանում պատրաստելու են խաղաղության ամենաերկար բրդուճը: Ադրբեջանի ՊՆ-ն կեղծ հաղորդագրություններ է տարածում Յայաստանի կողմից Ադրբեջանի տարածքի գնդակոծությունների մասին, Իլիամ Ալիեւը Յայաստանին նոր պահանջներ է առաջադրում ու սպառնալիքներ հնչեցնում, Ադրբեջանի նոր ազդեցիկ վտանգն օդում կախված է, այդ պայմաններում խաղաղության ամենաերկար բրդուճ սարքելու համար առնվազն բույս՝ քոլ պետք է լինել...
ՈՍԿԵ ՍԱՐԳՅԱՆ Տավուշ

ՎԻՃԱՐԿՎՈՂ ԴՐՈՒՅԹՆԵՐ

ՄԳ-Ն ԲՆՆՈՒԹՅԱՆ Է ԸՆԴՈՒՆԵԼ ՄԻՊ-Ի ԳԻՄՈՒՄԸ

Սահմանադրական դատարանը բնության է ընդունել Մարդու իրավունքների դաճաճանի դիմումը, որով վիճարկվում է կանանց՝ սարխով դայնանավորված, վերահսկողականության օժանդակ սեխնորգիաներից օգտվելու իրավունքի օրենսդրական սահմանափակումը:

Դիմումով բարձրացվում է «Մարդու վերարտադրողական առողջության եւ վերարտադրողական իրավունքների մասին» ՀՕ-474-Ն օրենքի 12-րդ հոդվածի 1-ին մասի 1-ին եւ 2-րդ կետերի՝ ՀՀ Սահմանադրության 29-րդ, 30-րդ, 31-րդ, 78-րդ եւ 81-րդ հոդվածներին համապատասխանության հարցը:

Վիճարկվող դրույթները վերարտադրողականության օժանդակ տեխնոլոգիաների (արհեստական սերմավորում ամուսնու կամ դոնորական սերմով, արհեստական (արտամարմնական/փորձանոթային) բեղմնավորում ամուսնու կամ դոնորական սերմով եւ սաղմի ներպատվաստում, ինչպես նաեւ դոնորական սաղմի ներպատվաստում փոխնակ մոր արգանդում) կիրառման առնչությամբ սահմանում են բացարձակ արգելք՝ վերարտադրողականության օժանդակ տեխնոլոգիաներից օգտվելու իրավունքի համար ՀՀ օրենսդրությամբ սահմանված կարգով գրանցված ամուսնության մեջ գտնվող 53 տարին լրացած, ինչպես նաեւ ՀՀ օրենսդրությամբ սահմանված կարգով գրանցված ամուսնության մեջ չգտնվող 53 տարին լրացած կանանց համար:

Ըստ Մարդու իրավունքների պաշտպանի՝ Նշված կարգավորումները խնդրահարույց են խտրականության արգելքի սկզբունքի, մասնավոր կյանքի անձեռնմխելիության իրավունքի եւ այդ համատեքստում իրավունքների սահմանափակման համաչափության սկզբունքի տեսանկյունից՝ նկատի ունենալով այն, որ ոչ իրավաչափ եղանակով միջամտում են անձի վերարտադրողական ինքնավարու-



թյանը, ներառյալ՝ երեխա ունենալու կամ չունենալու որոշումների կայացմանը, տարբերակված մոտեցում է ցուցաբերվում ինչպես սեռի, այնպես էլ տարիքի հիմքով: Ըստ Պաշտպանի՝ օրենսդրական նման սահմանափակումները հակասում են վերարտադրողական իրավունքի իրացման համատեքստում Եվրոպական դատարանի այն տրամաբանությանը, որ ընդհանուր արգելքը՝ ծառայությունների հասանելիությունից օգտվելու համար, առանց անհատական հանգամանքները հաշվի առնելու, համաչափ չէ: Ավելին՝ դրանք չեն բխում Կառավարության՝ իր առջեւ դրված վերարտադրողականության ու

ծնելիության մակարդակի բարելավման նպատակից:

Այսպիսով՝ ՀՀ Մարդու իրավունքների պաշտպանը եզրահանգել է, որ վիճարկվող իրավանքները, նախատեսելով կանանց համար վերարտադրողականության օժանդակ տեխնոլոգիաներից օգտվելու համար տարիքային սահմանափակում, հակասում են Սահմանադրության ամրագրված՝ խտրականության արգելքի սկզբունքին, մասնավոր կյանքի անձեռնմխելիության իրավունքին եւ այդ համատեքստում իրավունքների սահմանափակման համաչափության սկզբունքին:

ԷԼՄԱ ՍԱՐՏԻՐՈՍՅԱՆ

ԼՈՒՐԵՐ

ՉԻՆԱՐԵՆ ՍՈՎՈՐԵԼՈՒ ԴԱՃԱՆՋԱՐԿԸ ՄԵԾԱՆՈՒՄ Է

«Մեկ գոտի, մեկ ճանապարհ» նախաձեռնությանը մասնակցող երկրներում մեծանում է չինարեն սովորելու պահանջարկը: Մյուս մասին ասաց ՉԺՀ Կրթության նախարարության Լեզվի կրթության եւ համագործակցության կենտրոնի կուսկո. քարտուղարի տեղակալ տիկին Յու Թիենցին՝ ելույթ ունենալով «Յայաստան-Չինաստան մշակութային երկխոսություն» գիտաժողովին, որը անցկացվեց ՀՀ ԳԱԱ-ում:

«Յայ-չինական ավանդական բարեկամությունը գալիս է դարերի խորքից եւ հատկապես դիվանագիտական հարաբերությունների հաստատումից հետո, վերջին 32 տարիների ընթացքում, մենք դարձել ենք փոխվստահություն ներշնչող լավ ընկերներ եւ անկեղծ համագործակցություն իրականացնող լավ գործընկերներ: Եվ, համապատասխանաբար, Յայաստանում անդադար մեծանում է հետաքրքրությունը չինարենի նկատմամբ,

«Մեկ գոտի, մեկ ճանապարհ» նախաձեռնությանը մասնակցող երկրներում մեծանում է չինարեն սովորելու պահանջարկը, բազմաթիվ հայ երիտասարդներ նախընտրում են սովորել չինարեն եւ ծանոթանալ չինական մշակույթին: Վերջերս Յայաստանում հիմնադրվել է չինարենի ուսուցիչների միությունը, որը վկայում է Յայաստանում չինարենի դասավանդման զարգացման մասին, հավատացած են, որ այդ միությունը մեծ ներդրում է ունենալու հումանիտար համագործակցության ոլորտում», - ասաց տիկին Յու Թիենցին:

ՀԱՅԱՍՏԱՆԸ 8 ՄԵՂԱԼ Է ՆՎԱՃԵԼ

Յայաստանի ներկայացուցիչները 2 ոսկե, 5 արծաթե եւ 1 բրոնզե մեդալ են նվաճել հունիսի 20-23-ն Ինդոնեզիայի Բալի քաղաքում անցկացված Կիրառական կենսաբանության միջազգային 4-րդ օլիմպիադայում (IABO): Այս մասին տեղեկացնում են ԿԳՄՍ նախարարությունից: Հատկանշական է՝ Յայաստանի 3 կրթօջախները ներկայացնող բոլոր 8 աշակերտներն արժանացել են մեդալների:

Յայաստանի թիմը ղեկավարել է «Քվանտ» վարժարանի կենսաբանության ուսուցիչ Վահագն Գետրոյանը:

ՀՀ թիմի կազմում ոսկե մեդալներ են նվաճել «Քվանտ» վարժարանի 11-րդ դասարանի աշակերտ Արամ Քերոբյանն ու ԵՊՀ ՍԹԵՄ դպրոցի 10-րդ դասարանի աշակերտ Մարիամ Գալստյանը: Արծաթե մեդալներ են նվաճել Քվանտ վարժարանի 11-րդ դասարանի աշակերտներ Արա Մելքոնյանը եւ Հրաչյա Սեւոյանը, «Քվանտ» վարժարանի 9-րդ դասարանի աշակերտ Անի Գետրոյանը, ԵՊՀ ՍԹԵՄ դպրոցի 10-րդ դասարանի աշակերտ Նանե Անանիկյանը եւ Կոտայքի մարզի Հրազդանի թիվ 10 ավագ դպրոցի 10-րդ դասարանի աշակերտ Էլեն Դանիելյանը: Բրոնզե մեդալ է նվաճել «Քվանտ» վարժարանի 10-րդ դասարանի աշակերտ Յայկ Յարությունյանը:

Մասնակիցները նախօրոք առցանց ձեւաչափով մասնակցել ու հաղթահարել էին նախնական երկու փուլերը եւ հնարավորություն ստացել մասնակցելու եզրափակիչ փուլին:

Եզրափակիչ փուլին ավելի քան 100 աշակերտներ են մասնակցել Յայաստանից, ԱՄՆ-ից, Բանգլադեշից, Ինդոնեզիայից, Թաիլանդից, Մալազիայից, Նեպալից եւ Ֆիլիպիններից:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 6 պատահար. 1 մարդ զոհվել է, 5-ը՝ ստացել տարբեր աստիճանի մարմնական վնասվածքներ:

ԼՈՒՐԵՐ

«ՀԱՅԷԿՈՆՈՄԲԱՆԿ»-Ը ԲԱԺՆԵՏՈՄՄԵՐ Է ԹՈՂԱՐԿԵԼ

«Հայէկոնոմբանկ»-ը ս/թ հունիսի 14-ից հոկտեմբերի 31-ը հանդես է գալիս բաժնետոմսերի հրապարակա- յին առաջարկով. թողարկվել է 373,135 սովորական բաժնետոմս՝ յու- րաքանչյուրը 5,360 ՀՀ դրամ շուկա- յական (ծեռքբերման) արժեքով (ան- վանական արժեք՝ 2,080 ՀՀ դրամ), արժեթղթերի ընդհանուր ծավալը շուկայական արժեքով կազմում է 2,000,003,600 ՀՀ դրամ (անվանական արժեք՝ 776,120,800 ՀՀ դրամ):

Բաժնետոմսեր կարող են ձեռք բե- րել բոլոր ֆիզիկական և իրավաբա- նական անձինք երեսն քաղաքում և մարզերում գործող բանկի թվով 54 մասնաճյուղից:

Թեև ինչպես ցանկացած ֆինան- սական գործիք, բաժնետոմսերի ձեռքբերումը ենթադրում է նաեւ որոշակի ռիսկեր՝ պայմանավորված հաշվեկշռային (շուկայական) արժե- քի փոփոխությամբ, սակայն նշված ռիսկը հասցված է նվազագույն մա- կարդակի՝ շնորհիվ բանկում ներդր- ված ռիսկերի կառավարման արդյու- նավետ մեխանիզմների: Բացի այդ բաժնետոմսերի հաշվեկշռային ար- ժեքը անշեղորեն աճում է վերջին 3 տարիներին (31.12.2020թ. համեմատ 31.12.2023թ.) բաժնետոմսերի հաշ- վեկշռային արժեքը աճել է մոտ 40%- ով (հաշվարկված բաժնետոմսերի համադրելի* գներով), ինչն էլ զու- գակցվում է շահաբաժինների ամե- նամյա վճարման քաղաքականու- թյամբ՝ մեծապես կարելու է ինչ- պես բաժնետերերի պահանջները, այնպես էլ բանկի արդյունավետ գար- գացումը, որը դարձյալ նպաստելու է բաժնետերերի շահերին: Բանկը շա- հաբաժիններ է վճարում իր բաժնե- տերերին արդեն 10-րդ տարին անընդմեջ: Այս ամենը խոսում է բաժ- նետոմսերի գրավչության մասին:

Բաժնետերերին հնարավորություն է ընձեռվում ոչ միայն ստանալ տարե- կան շահաբաժին, այլև մասնակից դառնալ բանկի կառավարմանը՝ մաս կազմելով իրականացվող մի շարք նախագծերին: «Հայէկոնոմբանկ»-ի նկատմամբ ձեռավորված վստահու- թյան մասին է վկայում բաժնետերերի աճող քանակը, որոնց թիվը մոտենում է 7,000-ին:

«Հայէկոնոմբանկ»-ը, լինելով բան- կային համակարգի կազմավորման ակունքներում, ավելի քան 30 տարի- ների ձեռք բերած փորձի շնորհիվ տարեցտարի ամրապնդում է իր դիր- քերը շուկայում՝ ապահովելով ֆի- նանսական ցուցանիշների կայուն աճ:

ՀԱՅՏԱՐԱՐՈՒԹՅՈՒՆ

Ես՝ Լիլիան Սաֆար Սուլայմանս (Lilyan Safar Sulaiman), 19.04.2024 թվականին Երեւանի Հանրապետու- թյան հրապարակում կորցրել եմ անձ- նագիրս (Իրաքի Հանրապետության անձնագիր. A12638944): Գտնողին խնդրում եմ գանգահարել +374 44 880 195 հեռախոսահամարով:

ԿԱՆԿԱՏԵՍՈՒՄՆԵՐ

ՑՆՏԵՄԱԿԱՆ ԱՃԻ ՎԵՐԱԲԵՐՅԱԼ

ԵԱԶԲ-ն վերանայել է ԱՊՀ հինգ երկր- ների և Վազախասանի մակրոստատի- կան կանխատեսումները: Հայաստանի ՀՆԱ-ի աճը 2024 թվականի վերջում ակնկալվում է, որ կդառնա 7,5 տոկոս: Այսօրվա, այն զիջելու է միայն Տա- ջիկստանին և միայն կես տոկոսով: 2025 թվականին աճը նախատեսված է 4,2 տոկոսի չափով:

Կանխատեսման թարմացված տարբե- րակի համաձայն՝ տարեվերջին երկրում գնաճը կկազմի 1,5 տոկոս՝ ապրանքների և ծառայությունների նկատմամբ պահան- ջարկի կայուն աճով: Միաժամանակ, ընդ- հանուր տարածաշրջանի (ԱՊՀ) համար այն կկազմի 5,8 տոկոս: Նվազագույն մա- կարդակը սպասվում է Հայաստանում, առավելագույնը՝ Ղազախստանում (8,3%):

Երկրում փոխարժեքը շարունակում է մնալ կայուն: Տարվա միջին հաշվով, Եվ- րասիական բանկի կանխատեսումներով, մեկ դոլարի դիմաց այն կկազմի 396 դրամ:

Հունիսի 3-ից 17-ն ընկած ժամանակա- հատվածում ՀՀ Կենտրոնական բանկը, ինչպես ակնկալում էինք, նվազեցրել է վե- րաֆինանսավորման տոկոսադրույքը 0,25 կետով: Այս քայլը պետք է նպաստի գնաճի հետագա արագացմանը և միջնա- ժամկետ հեռանկարում կարող է որոշակի ճնշում գործադրել փոխարժեքի վրա: Այ- նուամենայնիվ, ընդհանուր առմամբ, կար- գավորիչ գործողությունները մնում են բավականին պահպանողական: Իսկ Հա- յաստանի ԱԳԻ-ն երկար ժամանակ անց առաջին անգամ արձանագրել է տարե- կան գնաճ (+0,3%):

Այս իրադարձությունների մասին ավելի մանրամասն.

-Հայաստանում սպառողական գների ինդեքսը մայիսին կազմել է 0,3%՝ գերա- գանցելով 0,5% գնանկման սպասումները: Հիմնական դրդապատճառը եղել է պարե- նային ապրանքների և զովագուցիչ ըմպե- լիքների գնանկման տեմպերի նվազումը, որոնք թեև նախորդ տարվա նույն ժամա- նակահատվածի համեմատ նվազել են 2%-ով, սակայն մեկ ամսվա ընթացքում



թանկացել են 25%-ով: Տրանսպորտի ոլորտում գնաճային դինամիկան արագա- ցել է (+10%) և շարունակվել ալկոհոլա- յին խմիչքների և ծխախոտի ապրանքնե- րի գծով, որոնք թանկացել են 6,3%-ով:

-Կենտրոնական բանկը վերաֆինանսա- վորման տոկոսադրույքը նվազեցրել է 0,25 կետով՝ մինչև 8,0%: Սա ինտերոդ- նվազումն է 2023 թվականի հունիսից ի վեր և չորրորդը՝ 2024 թվականին: Կար- գավորողի պահպանողականությունը կար- ղ է կապված լինել անշարժ գույքի և հիփոթեքային վարկավորման շուկաների գերտաքացման ռիսկի հետ, որի մոլեգնու- թյունը դեռևս պահպանվում է՝ դատելով անուղղակի տվյալներից: Այսպես, հուն- վար-ապրիլին անշարժ գույքի շուկայում իրականացվել է 20988 գործարք, ինչը 21,4 տոկոսով ավելի է 2023 թվականի նույն ժամանակահատվածի համեմատ:

-Երկրի ընդհանուր պետական պարտքը ապրիլի վերջին նվազել է 0,77%-ով՝ հաս- նելով 12,07 մլրդ դոլարի: Ընդհանուր պարտքի կառուցվածքում 6,34 մլրդ դո- լար բաժին է ընկնում արտաքին պարտ- քին, որն ապրիլին նվազել է 1,38%-ով: Այ- նուամենայնիվ, լուրերը, ամենայն հավա- նականությամբ, էական ազդեցություն չեն ունենա ամբողջ երկրում շուկաների դի- նամիկայի վրա:

-Նույն ժամանակահատվածում վերամ- շակող արդյունաբերությունն ավելացրել է արտադրանքի ծավալը 40,7%-ով՝ հաս- նելով 675,98 մլրդ դրամի: Դրական դինա- միկան Հայաստանում տնտեսական ակ- տիվության աճի աջակցող գործոն է: Առանձին-առանձին ապրիլին աճն ավելի էական է եղել՝ կազմելով 27%: Սակայն մարտի համեմատ արձանագրվել է անն- շան նվազում 14,1%-ով:

ԱՆՆԱ ՍՐԱՊԻՈՆՅԱՆ

ՆՈՐՈՒԹՅՈՒՆՆԵՐ

11-ՐԳ Fastex Meetup

Fastex Meetup տեղեկատվական հան- դիպումների շարքը շարունակվում է: Ս.թ. հունիսի 22-ին Պարոնյան 16/2 հաս- ցեում գտնվող Հայաստանի բլոկչեյն էմ- բասիում տեղի է ունեցել 11-րդ Fastex Meetup-ը:

Հանդիպման ընթացքում քննարկվել են Web3 հայեցակարգի զարգացման վերջին միտումները, անորդարձ է կա- տարվել ոլորտը ձեռավորող նորամուծու- թյուններին:

Հանդիպման խոսնակ Արմեն Բաղդա- սարյանը, մասնավորապես, պատմել է Web3 համայնքի մասը դառնալու առա- վելությունների և ընձեռած հնարավորու- թյունների մասին: Արմեն Բաղդասարյա- նի խոսքով՝ նման ձեռնաչափի հանդիպում- ները շատ կարելու են, քանի որ ձեռավո- րում են որակյալ կրիպտո համայնք, ինչն էլ իր հերթին նպաստում է ընդհանուր Web3-ի զարգացմանը:

Հանդիպման երկրորդ հատվածում ներկաները հնարավորություն են ունեցել

ուղղելու իրենց հետաքրքրող հարցերը և մասնակցել պանելային քննարկմանը:

Fastex Meetup հանդիպումների շարքը շարունակական է: Fastex Armenia եւ ftnft.am պաշտոնական էջերին հետեւե- լով՝ հետաքրքրված անձինք կարող են տեղեկանալ հաջորդ այդպիսի հանդիպ- ման մանրամասներին:

ՀԱՅԱՍՏԱՆԸ ԿՐԿԻՆ ՎԱՐԿ ԿՎԵՐՑՆԻ

Հունիսի 26-ին ՀՀ ֆինանսների նախա- րար Վահե Հովհաննիսյանը և Զարգաց- ման ֆրանսիական գործակալության Եվրասիայի տարածաշրջանային տնօ- րեն Մաթյո Վասյերը ստորագրել են «Հա- յաստանի Հանրապետության և Զար- գացման ֆրանսիական գործակալու- թյան միջև թիվ CAM 1024 01 C վարկա- յին համաձայնագիրը»՝ քաղաքականու- թյան վրա հիմնված վարկի տեսքով բյու- ջետային աջակցության ծրագրի ներքո 75 մլն Եվրո վարկային միջոցների ստաց-

ման նպատակով: Ֆրանսիական կողմից վարկային համաձայնագիրը համաստո- րագրել է նաև ՀՀ-ում Ֆրանսիայի Հան- րապետության արտակարգ և լիազոր դեսպան Օլիվիե Դըկոտինին:

Ծրագրի նպատակն է աջակցել Հայաս- տանի կառավարությանը՝ հանրային ծա- ռայությունների մատուցման արդյունա- վետությունը և կայունությունը ու ֆի- նանսական ոլորտի զարգացումը բարե- լավելու հարցում: Այն կազմված է երեք հիմնական բաղադրիչներից՝

- 1) հանրային ֆինանսների կառավար- ման համակարգի բարելավում,
 - 2) պետական արժեթղթերի թողարկ- ման և կառավարման շրջանակի ու փո- դի շուկաների ենթակառուցվածքի ամ- րապնդում,
 - 3) ձեռնարկատիրական գործունեու- թյան ֆինանսավորման նոր գործիքների մշակում և առավել թափանցիկ կառա- վարման ապահովում:
- Բյուջետային ֆինանսավորումը հան- դիսանում է բազմամյա ծրագրի մաս, որն իրականացվում է Ասիական զարգաց- ման բանկի հետ համատեղ:

«Օղովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄԵԿԱՌԻՅԵ

3000 ՏԱՐՎԱ ՊԱՏՄՈՒԹՅՈՒՆ

«ԴԺՈՒՔԻ ԴԱՐՊԱՄՆԵՐԻ» ԱՆՂԵՏԱՑՄԱՆ ԱՌԵՂԾՎԱԾԸ

Ացեկների ասծուն նվիրված հնագույն 3000-ամյա «դժոխի դարդասների» առեղծվածը բացահայտվել է, երբ այն գողացել են գաղսնի քարանձավից. գրում է քրիստոնեական The Sun պարբերականը:

Մեքսիկական արտեֆակտը, որը, ինչպես պարզվեց, օլմեկների հնագույն քարաքանդակչությանը պատկանում էր քարանձավային դիմակ է, գողացվել է 1960-ականների սկզբին, սակայն 64 տարվա որոնումներից հետո այն ի վերջո վերադարձվել է Մեքսիկա:

Շուրջ 3000-ամյա հսկայական արտեֆակտը պատկերում է Թեպեոլլոտլիկուտի ուռած ժուլետը՝ երբեք բաց երախով օվալաձև խոշորաչափ յագուարաստծուն:

Իշխանությունները պարզել են, որ արտեֆակտը գողացվել էր դեռ մայիսին՝ դրա անհետացման շուրջ տարիներ տեւած խառնաշփոթությունից եւ թյուրըմբռնումից հետո:

Սակայն Մանիեթենի դատախազների եւ ազգային անվտանգության ծառայության համատեղ հետաքննությունից հետո այն անցյալ ամիս առգրավվել է:

Առաջին պարզ չէ՝ քանակի անհետացման առնչությամբ որեւէ մեկ կենթարկվի՝ քրեական պատասխանատվության:

Մանիեթենի շրջանային դատախազ Էլվին Բրեգ կրտսերը հայտնել է, որ դիմակը մ.թ.ա. 800 թվականին Մեքսիկայում պատրաստված չափազանց հազվագյուտ նմուշ է: «Դեպի հանդերձալ աշխարհ անցումը խորհրդանշող օլմեկների փո-



րագրված հսկայական դիմակը պահպանում էր Մեքսիկայի Չալկաքցիկո հնագիտական պեղումնավայրի ծխակարգային քարանձավի մուտքը: Այս անհավանական, հնագույն իրը օլմեկների հասարակության անցյալը բացող հազվագյուտ պատուհան է», - նշել է Բրեգը: Շրջանային դատախազը պատմում է, որ հնագույն դիմակը գողերն ի վերջո փշոտել ու բաժանել են մի քանի մասի՝ դրա տեղափոխումը հեշտացնելու նպատակով: Արդյունքում դիմակը շուրջ 60 տարվա ընթացքում մաս-մաս ցրվել է ԱՄՆ-ով մեկ տեղ գրավելով տարբեր թանգարաններում ու մասնավոր հավաքածուներում: Քննիչները պարզել են, որ Նյու Յորքի հանրա-

պետ Մետրոպոլիտեն արվեստի թանգարանը բազմաթիվ թանգարաններից մեկն է, որին հանձնվել է դիմակը: Փաստաթղթերում նշվում է նաեւ, որ դիմակը վերջերս վաճառվել է մասնավոր հավաքողի՝ Նախքան այն վերադարձվելը: Քանզակը, որը Մեքսիկայի բնակիչներին հայտնի է որպես «Անդրժիբիմյան պորտալ», օլմեկների քարաքանդակչության առնչվող նմուշ է:

Յետագա տարիներին տարածաշրջանում ի հայտ եկած շատ այլ մշակույթների «մայր մշակույթը» համարվող օլմեկների արվեստը Հինամուրցի Ամերիկայի ամենավառ նմուշներից է:

ՀՈՐԻ ԲԱՂՈՍԱՍՏՆ

ՄԻՋՈՑԱՌՈՒՄՆԵՐ

ՀՐԱԺԱՐՎԵԼ Է ԿԱՐՄԻՐ ԳՈՐԳԻ ԳԱՂԱՓԱՐԻՑ

Երեւանում հուլիսի 7-14-ը կայանալիք «Ոսկե ծիրան» միջազգային կինոփառատոնն այս տարի չի ունենա բացման արարողության ավանդական կարմիր գորգը: Ըստ փառատոնի ստեղծագործական թիմի՝ արարողակարգային այս կարեւոր դետալը հետայսու կկրի լրացուցիչ իմաստավորում: «Ոսկե ծիրան» 21-րդ փառատոնի կարմիր գորգին կփոխարինեն արվեստագետ Դավիթ Քոչումսի դիզայնի հիման վրա տեղացի գորգագործ վարպետների ձեռքերով պատրաստած գորգերը, որոնք կազմում են «Տեղորոշում» («Point of Reference») հավաքածուն:

Փառատոնի այս փոփոխությանն ընդառաջ ARARAT թանգարանը «Ոսկե ծիրան» կինոփառատոնի եւ AHA Collective հետ համատեղ կազմակերպել է Դավիթ Քոչումսի գորգագործական այլ աշխատանքների ցուցադրություն, որը համադրել է Նաիրի Խաչատուրյանը:

«Համարձակ խնամք» վերտառությամբ այս ցուցադրությունը պատմում է հայկական ձեռագործ աշխատանքի՝ վարպետության ամենաինքնազուրկ մեկ՝ գորգագործության ավանդույթների մասին՝ դիտարկելով դրանք տեղային, ճարտարապետական եւ բնության համատեքստում: Ցուցադրության առանձնահատուկ մաս են կազմում Փիրուզա Խալափյանի լուսանկարները, որտեղ գորգերը ներկայացված են հայկական վանքերի եւ ժայռերի անսպասելի ու տպավորիչ վայ-

րերում: Ցուցադրությունը կգործի մինչեւ օգոստոսի 1-ը: Մուտքն ազատ է:

«Կարմիր գորգի չեղարկումն ունի մի քանի պատճառ. օրինակ՝ տարիների ընթացքում արմատացած կարմիր գորգի հետ ասոցացվող էլիտիստականությունը, որը հակասում է փառատոնի հակաէլիտիստական բովանդակությանը: Մյուսը՝ հաշվի առնելով հայկական գորգագործական հարուստ ավանդույթները եւ ժամանակակից տաղանդաշատ դիզայներներն ու նկարիչներն ենթադրելով, շատ ավելի իմաստավորված ու հմայիչ կլինի, եթե փառատոնային պաստառի նման, յուրաքանչյուր տարի լինի հատուկ գորգ՝ ստեղծված ժամանակակից տեսողական լուծումներով եւ գործված՝ ավանդական տնայնագործ կանանց կողմից», - նշել է փառատոնի տնօրեն եւ գեղարվեստական ղեկավար Կարեն Ավետիսյանը:

ՀԱՄԵՐԳ ՈՒՐՈՒԳՎԱՅՈՒՄ ԵՎԻՐՎԱԾ Ա. ԽԱԶԱՏՐՅԱՆԻՆ

Ուրուգվայի ամենահեղինակավոր համերգարահում Սոլիս թատրոնում, տեղի է ունեցել աշխարհահռչակ հայ կոմպոզիտոր Արամ Խաչատրյանի 120-ամյակին նվիրված համերգ, որի շրջանակներում ելույթով հանդես է եկել ՀՀ վաստակավոր արտիստ, անվանի դաշնակահար Հայկ Մելիքյանը:

Այս մասին նշված է Ուրուգվայում Հայաստանի Հանրապետության դեսպանության տարածած հաղորդագրության մեջ:

Դեսպանությունը նշել է, որ ՀՀ կրթության, գիտության, մշակույթի եւ սպորտի նախարարության աջակցությամբ կայացած այս համերգի ընթացքում Հայկ Մելիքյանը՝ Մոնտեվիդեոյի ֆիլիարմոնիկ նվագախմբի հետ եւ դիրիժոր Ալվարո Հակոբյանի ղեկավարությամբ, ներկայացրել է Արամ Խաչատրյանի հանրահայտ դաշնամուրային կոնցերտը: Երեկոյի ընթացքում Մոնտեվիդեոյի ֆիլիարմոնիկ նվագախմբի կատարմամբ հնչել են նաեւ Արամ Խաչատրյանի հանրահայտ այլ ստեղծագործություններ, այդ թվում՝ «Դիմակահանդես»-ի վալսը, «Ջանգեղուրի քայլերգը», «Գայանե» բալետից հատվածներ եւ այլն:

ՀՀ դեսպանության հրավերով համերգին ներկա են գտնվել նաեւ Ուրուգվայի արտաքին հարաբերությունների նախարարության եւ այլ պետական գերատեսչությունների աշխատակիցներ, երկրում հավատարմագրված դիվանագիտական կորպուսի ներկայացուցիչներ:

Համերգին հետեւած ընդունելության ընթացքում դեսպան Մարիամ Գեորգյանը շնորհակալագրերով է պարգևատրել դաշնակահար Հայկ Մելիքյանին եւ դիրիժոր Ալվարո Հակոբյանին՝ Արամ Խաչատրյանի երաժշտական ժառանգությունն Ուրուգվայում լավագույնս ներկայացնելու համար:

Դեսպանության տարածած հաղորդագրության մեջ նշվում է, որ այս բացառիկ համերգի շրջանակներում ՀՀ դեսպանությունը՝ Արամ Խաչատրյանի տուն-թանգարանի հետ համագործակցությամբ, Սոլիս թատրոնում ներկայացրեց նաեւ Արամ Խաչատրյանի՝ 1957 թ. Ուրուգվայ կատարած այցի լուսանկարների ցուցահանդես:

ՄԱՐԶԱԿԱՆ

ԾԱՆՐԱՄԱՐՏԻԿԸ ԱԶԱՏՎԵՑ ՊԱՐՏԱԳԻՐ ԶԻՆԾԱՌԱՅՈՒԹՅՈՒՆԻՑ

Կառավարությունն իր երեկվա նիստում որոշեց ծանրամարտի ազգային հավաքականի անդամ Արսեն Մարտիրոսյանին ազատել պարտադիր զինծառայությունից:

Որոշման հիմնավորման մեջ նշվում է, որ ՀՀ ծանրամարտի ազգային հավաքականի անդամ, Եվրոպայի առաջնությունների բազմակի մրցանակակիր, ՀՀ միջազգային կարգի սպորտի վարպետ Արսեն Գեւորգի Մարտիրոսյանին պարտադիր զինվորական ծառայությունից տարկետում է տրվել մինչեւ 2024-ի ամառային գորակոչը: Տարկետումը տրամադրվելուց հետո՝ նոր նվաճումներ է ունեցել՝ այդ թվում՝ ծանրամարտի Եվրոպայի 2022-ի առաջնության 3-րդ մրցանակակիր է դարձել:

Այժմ անհրաժեշտություն է առաջացել պարտադիր զինծառայությունից ազատել Արսեն Մարտիրոսյանին:

162 ՄԻԼԻՈՆ ԳՈՒԱՐԻ ՊԱՅՄԱՆԱԳԻՐ

«Լոս Անջելես Լեյքերսի» բասկետբոլիստ Լեբրոն Ջեյմսը կարող է նոր պայմանագիր ստորագրել թիմի հետ, հայտնում է Mundo Deportivo-ն:

Ակունքի ղեկավարությունը պատրաստ է ամեն ինչ անել, որպեսզի պահի իր առաջատարին: Դրա համար «Լոս Անջելես Լեյքերսն» 39-ամյա հարձակվողին պատրաստ է 3 տարվա պայմանագիր առաջարկել: Համաձայնության դեպքում ամերիկացին կստանա 162 միլիոն դոլար:

Ջեյմսի գործող պայմանագիրն ավարտվում է հունիսի 29-ին, եթե նա երկարաձգի պայմանագիրը, ապա ստիպված կլինի խաղալ մինչեւ 42 տարեկանը:

«Լոս Անջելես Լեյքերսը» պատրաստ է անգամ դրաֆթի ժամանակ իրականացնել Բրոնի Ջեյմսի գործարքը, որպեսզի NBA-ի պատմության լավագույն ռեքորդները հնարավորություն ունենա խաղալու որդու հետ:

ՀԱՅՏԵՒ ԵՆ ԲՈՒՐ

ՄԱՄՆԱԿԻՑՆԵՐԸ

Ավարտվեց Ֆուտբոլի Եվրոպայի առաջնության խմբային փուլը:

Գերմանական 10 քաղաքներում ընթացող ֆուտբոլի Եվրոպայի առաջնության խմբային փուլի արգելքը հաղթահարեցին 16 թիմերը:

Փլեյ-օֆֆում միմյանց դեմ կմրցեն հետեւյալ զույգերը՝

- Շվեյցարիա-Իտալիա
- Գերմանիա-Դանիա
- Անգլիա-Սլովակիա
- Իսպանիա-Վրաստան
- Ֆրանսիա-Բելգիա
- Պորտուգալիա-Սլովենիա
- Ռումինիա-Նիդերլանդներ
- Ավստրիա-Թուրքիա
- 1/8 եզրափակիչի հանդիպումները կմեկնարկեն հունիսի 29-ից:

● Հունիսի 6-ին՝ ժամը 19:00-ին, Երեւանի պետական կամերային թատրոնում տեղի կունենա «Սիրո խոստովանություն» կատակերգությունը: Տոմսերի արժեքը՝ 3000-8000 դրամ:

